

January 2016



UNIVERSITI
TEKNOLOGI MARA
SARAWAK

7th
ISSUE

info kampus

UiTM SARAWAK BULLETIN



UiTM Transformation Program

ISSN 2232-1578



9 772232 157005

Desdemona diumum Anugerah Graduan Terbaik UiTM Sarawak sempena Istiadat Konvokesyen Ke-83 UiTM Sarawak

Oleh: Mohammad Abang

Desdemona Mallon diumumkan sebagai penerima Anugerah Graduan Terbaik (Ijazah Sarjana Muda) dan Anugerah Graduan Terbaik Khas (Ijazah Sarjana Muda) Yayasan Sarawak sempena Istiadat Konvokesyen Ke-83 UiTM Sarawak yang berlangsung pada 17-18 November 2015 di Dewan Jubli, UiTM Sarawak.

Desdemona yang berasal dari Sabah merupakan graduan Sarjana Muda Sains Sukan dengan kepujian dan sekarang ini bertugas sebagai Pegawai Biomekanik Sukan di Institut Sukan Negara (ISN).

Dalam ucapannya, Desdemona mengucapkan terima kasih yang tidak terhingga kepada semua pihak, khususnya para pensyarah di Fakulti Sains Sukan dan Rekreasi yang banyak membantu sepanjang bergelar pelajar di UiTM Sarawak.

Menurutnya, dia banyak mendapat tunjuk ajar daripada pensyarah, khususnya berkaitan bidang pekerjaan yang diceburi sekarang, lebih-lebih lagi ilmu Sains Sukan yang masih dianggap sebagai suatu yang bukan major (utama) di negara ini dan masih berada di peringkat permulaan.

"Perkara yang paling sukar dilakukan sepanjang pengajian adalah membahagikan masa untuk bersukan, menyiapkan tugasan dan belajar. Pengurusan masa adalah kunci utama kejayaan. Lumrah hidup seorang budak sukan untuk terus bersukan."

"Sentiasa meneruskan latihan tanpa mengenal erti penat lelah. Pegangan hidup sebegitu yang diterapkan ke dalam strategi pembelajaran saya sepanjang pengajian di peringkat ijazah sarjana muda ini. Selagi saya tidak memahami sesuatu subjek, selagi itu saya tidak berputus asa untuk meletakkan "soul" ke atas ilmu itu," ujarnya.

Dia yang sememangnya aktif bersukan terutama dalam sukan bola tampar sehingga mewakili UiTM Malaysia ke Majlis Sukan Universiti Malaysia (MASUM), turut mengingatkan rakan-rakan supaya sentiasa berfikir positif walaupun menghadapi masalah.

Katanya, hidup adalah terlalu singkat untuk memberikan perhatian sepenuhnya dengan setiap permasalahan dan dilema yang dihadapi.

"Saya dengan yakin mengatakan, anda adalah lebih bijak daripada apa yang anda sangkakan. Anda tahu bahawa "life has its ups and downs and all-arounds". Sama seperti di universiti, anda akan melalui hari yang baik dan buruk anda. Anda akan berasa gembira, sedih, bosan, ajaib, menakutkan, kecewa, letih dan marah," ujarnya dengan penuh bersemangat sambil mendapat tepukan gemuruh rakan-rakan lain.

Penerima anugerah lain adalah seperti berikut :-

Anugerah Graduan Terbaik (Diploma),
Andrea Sese (Diploma Perakaunan)

Anugerah Graduan Terbaik Khas (Diploma) Yayasan Sarawak
Chealsea Yvonne Kat (Diploma Pengajian Perniagaan)

Anugerah Graduan Terbaik Kepimpinan
Mohd Ir Iqbal Ishak (Diploma Kejuruteraan Elektrik (Elektronik))

Seramai 1,045 graduan menerima transkrip tamat pengajian di peringkat ijazah sarjana muda dan diploma pada istiadat konvokesyen tersebut yang dianugerahkan oleh Pro Canselor UiTM, Tan Sri Datuk Panglima Dr. Abdul Rahman Arshad yang berlangsung dalam empat sidang.

Hadir sama menyaksikan istiadat tersebut adalah Rektor UiTM Sarawak, Prof. Dato Dr. Jamil Haji Hamali, Timbalan Rektor Hal Ehwal Akademik, Prof Madya Dr. Rosita Haji Suhaimi, Timbalan Rektor Hal Ehwal Pelajar UiTM Sarawak, Prof Madya Wan Akil Tuan Abdullah, Timbalan Rektor Penyelidikan dan Jaringan Industri, UiTM Sarawak, Prof Madya Dr. Hajah Rasidah Mahdi, Penolong Rektor UiTM Kampus Mukah, Tuan Haji Khalik Ibrahim ketua-ketua bahagian, ibu bapa, graduan serta tetamu-tetamu lain.



BARISAN AKADEMIK...Tan Sri Datuk Panglima Dr. Abdul Rahman Arshad bersama Prof. Dato Dr. Jamil Haji Hamali bergambar bersama barisan pengurusan kanan UiTM Sarawak serta sebahagian daripada tenaga pengajar akademik.



DETIK INDAH...Tan Sri Datuk Panglima Dr. Abdul Rahman Arshad bersama pemenang Anugerah Graduan, Desdemona Mallon (tengah), Andrea Sese (dua dari kiri) dan Mohd Ir Iqbal Ishak (paling kiri), diserah oleh sebahagian daripada penerima Anugerah Naib Canselor yang lain.



KENANGAN... Tan Sri Datuk Panglima Dr. Abdul Rahman Arshad bersama Prof. Dato Dr. Jamil Haji Hamali dan barisan pengurusan kanan UiTM Sarawak merakamkan gambar kenang-kenangan bersama sebahagian penerima Anugerah Naib Canselor.



UNIVERSITI
TEKNOLOGI MARA
SARAWAK

Corporate Communications & International Relations

Universiti Teknologi MARA Sarawak
Jalan Meranek, 94300 Kota Samarahan,
Peti Surat 1258, 93312 Kuching,
Sarawak, Malaysia

Tel: 082 - 677 200 | Fax: 082 - 677 300
E-mail: corporate@sarawak.uitm.edu.my
www.sarawak.uitm.edu.my